

ODLUKA 2016-07

ODLUKA ŠKOLSKOG ODBORA OKRUGA DUVAL, FLORIDA (THE SCHOOL BOARD OF DUVAL COUNTY, FLORIDA), KOJOM SE DAJU GARANCIJE ZA SVE UČENIKE BEZ OBZIRA NA NJIHOV IMIGRACIJSKI STATUS ILI ZEMLJU PORIJEKLA

BUDUĆI DA, Školski odbor Okruga Duval, Florida (u daljem tekstu „Školski odbor“), koji se sastoji od sedam izabраних Ustavnih zvaničnika Floride, predstavlja rukovodeće tijelo Školskog distrikta Okruga Duval, Florida (School District of Duval County, Florida) (u daljem tekstu „distrikt“);

BUDUĆI DA, distrikt predstavlja dvadeseti školski distrikt po veličini u zemlji i šesti školski distrikt po veličini na Floridi;

BUDUĆI DA, učenice i učenici distrikta predstavljaju mnoštvo različitog porijekla, iskustva i kulture;

BUDUĆI DA JE, Vrhovni sud SAD-a, u slučaju *Plyler v. Doe*, 1982. godine presudio da uskraćivanje besplatnog javnog obrazovanja nedokumentiranoj djeci školskog uzrasta predstavlja protivustavni čin i kršenje odredbe o podjednakoj zaštiti;

BUDUĆI DA JE, Odbor za obrazovanje savezne države Floride 1990. godine sklopio sporazum sa saveznim sudom koji se odnosi na Učenike engleskog jezika (English Language Learners) i između ostalog predviđa podjednak pristup za učenike imigrante (*pogledajte* Liga ujedinjenih latinoameričkih građana et al. protiv Sporazuma Državnog odbora za obrazovanje, Američki okružni sud za Južni distrikt Floride (League of United Latin American Citizens (LULAC) et al. v. State Board of Education Consent Decree, United States District Court for the Southern District of Florida), od 14. avgusta 1990, u daljem tekstu „META Sporazum o poravnanju bez priznavanja krivice“ („META Consent Decree“));

BUDUĆI DA JE, Školski odbor usvojio pravila jednakosti, uključujući odredbe za jednakost mogućnosti i pristupu programima, uslugama i resursima, bez obzira na rasnu pripadnost, boju kože, politička ili religijska uvjerenja, nacionalno ili etničko porijeklo i druge karakteristike utvrđene u Strategiji odbora 1.22 (Pravilo o jednakosti) (Board Policy 1.22 (Equity Policy)) i Strategiji odbora 10.10 (Zabrana diskriminacije i zlostavljanja) (Board Policy 10.10 (Prohibiting Discrimination and Harassment));

BUDUĆI DA, Školski odbor prepoznaje značaj pristupa besplatnom javnom K-12 obrazovanju i Školski odbor pozdravlja i podržava sve učenice i učenike i privržen je osiguravanju obrazovnog okruženja koje je okrenuto djetetu, otvoreno i bezbjedno;

BUDUĆI DA JE, strategija Američke imigracijske i carinske službe (United States Immigration and Customs Enforcement („ICE“)) da se provedba radnji kao što su hapšenja, obavijesni razgovori, pretraživanja i nadzor uopćeno trebaju izbjegavati na osjetljivim lokacijama, što obuhvata K-12 škole, bez prethodno pribavljenog odobrenja od odgovarajućih nadzornih organa ili postojanja izuzetnih okolnosti koje zahtijevaju trenutno djelovanje;

ODLUČUJE SE, da u cilju osiguranja jednakosti pristupa programima, uslugama i resursima za raznovrsnu zajednicu učenica i učenika u distriktu; da se osigura okruženje za učenje koje je okrenuto djetetu, otvoreno i pruža podršku za sve učenice i učenike bez obzira na njihov imigracijski status ili zemlju porijekla; te da ublaži strah i nesigurnost ugroženih zajednica, Školski odbor usvaja sljedeće odluke:

1. Distrikt nastavlja provedbu zahtjeva utvrđenih u slučaju *Plyler v. Doe* i META Sporazuma o poravnanju bez priznavanja krivice, uključujući, bez ograničenja, sljedeće:
 - a. Distrikt pruža besplatan, jednak i neometan pristup svojim programima obrazovanja za sve učenice i učenike bez obzira na imigracijski status ili zemlju porijekla;

- b. Osoblje distrikta ne traži i ne bilježi podatke o imigracijskom statusu učenika ili učenice ili njegovog/njenog roditelja/staratelja; a ako učenik ili učenica ili roditelj/staratelj sami predoče iste, o njima se neće praviti bilješka ili voditi bilo kakva evidencija.
2. U cilju pružanja sigurnog, pristupačnog i otvorenog okruženja za sve učenice i učenike, distrikt je saglasan sa provedbom zakona na sljedeći način:
- a. Distrikt ne prikuplja podatke o imigracijskom statusu i ne bilježi ih u svojoj evidenciji; distrikt nastavlja poštovati zahtjeve Zakona o obrazovnim pravima i privatnosti porodica (Family Educational Rights Privacy Act („FERPA“)); a osoblje distrikta ne otkriva nikakve povjerljive informacije koje se odnose na učenicu ili učenika ili njenu/njegovu porodicu osim ako takvo otkrivanje informacija nije u skladu sa zahtjevima FERPA:
- b. Ako ICE ili drugi organi za provedbu zakona zahtijevaju bilo kakve informacije o učeniku, takav zahtjev se upućuje pravnom savjetniku distrikta radi osiguravanja usklađenosti sa FERPA;
- c. Strategija ICE je da se radnje provedbe imigracijskih zakona ne vrše na osjetljivoj lokaciji u školama osim u slučaju da postoji izuzetna okolnost kako je definirano zakonom, a praksa distrikta ostaje da se ne dopušta pristup posjetilaca bilo kojoj školskoj lokaciji ako će tom posjetom biti poremećeno obrazovno okruženje; stoga, ako ICE ili drugi službenici za provedbu zakona zahtijevaju pristup bilo kojoj školskoj lokaciji, takav zahtjev se upućuje pravnom savjetniku distrikta radi poštivanja relevantnih procedura (uključujući, bez ograničenja, traženje akreditiva, upit o razlozima za traženje pristupa na osjetljivoj lokaciji, traženje pismenog ovlaštenja od relevantnih nadzornih zvaničnika u skladu sa ICE smjernicama te zahtijevanje legalno izdanog naloga).
3. Budući da osoblje distrikta može predstavljati primarni izvor podrške, resursa i informacija za pomoć učenicima, učenje i emocionalno zdravlje učenika, distrikt će koordinirati aktivnosti s organizacijama u zajednici koje nude savjetovanje i podršku učenicama i učenicima imigrantima i njihovim porodicama; a osoblje distrikta će sačiniti plan pripreme za situaciju u kojoj je malodobnom djetetu koje pohađa školu uskraćena briga odraslih osoba, nadzor ili starateljstvo koji su rezultat bilo kojih radnji ICE na provedbi zakona.
4. Distrikt će objaviti ovu Odluku na recepciji svake školske lokacije, provesti obuku osoblja distrikta, prenijeti informacije o Odluci pružateljima školskih usluga te prevesti ovu Odluku na najzastupljenije jezike u distriktu.

USVOJENO 8. maja 2017, Jacksonville, Duval County, Florida, Školski odbor Okruga Duval, Florida

POTVRĐUJU:


**ŠKOLSKI ODBOR OKRUGA DUVAL,
FLORIDA**

Potpisnica: _____



Nikolai P. Vitti, Dr
Upravitelj za obrazovanje
i sekretar Odbora
po službenoj dužnosti

Potpisnica: _____



Paula D. Wright, Predsjedavajuća